

अ॒र्चिः शो॒चिः । तपो॒हरो॒ भाः । अ॒ग्निः सोमो॒ वृह॒-
 स्पतिः । विश्वे॑ दे॒वा भुव॑नस्य गो॒पाः । ते सर्वे॑ स॒ङ्ग-
 त्य॥ इ॒दं मे प्राव॑ता वचः । व॒यः स्याम॑ पत॒यो रयी॑-
 णाम् । भूर्भुवः॑ स्वः स्वाहा ॥ १ ॥

स॒ङ्गत्य॒ चीणि॑ च ॥ अनु० ३ ॥

चतुर्थोऽनुवाकः ।

अ॒न्नप॑तेऽन्नस्य नो देहि । अ॒न्नमी॒वस्य॑ शु॒ष्मिणः ।
 प्र॒प्रदा॑तारं तारिषः । ऊ॒र्जी नो॑ धेहि द्वि॒पदे॑ चतु॒ष्पदे॑ ।
 अ॒ग्ने पृ॒थिवी॑पते । सोम॑ वीरुधां पते । त्वष्टः॑ स॒मिधां॑
 पते । वि॒ष्णवा॑शानां पते । मि॒त्र स॒त्यानां॑ पते । वरु॑ण
 ध॒र्मणां॑ पते ॥ १ ॥

म॒रुतो॑ ग॒णानां॑ पतयः । रु॒द्र प॒शूनां॑ पते । इन्द्रो॑-
 ज॒सां पते॑ । वृ॒हस्प॑ते ब्र॒ह्मण॑स्पते । आ॒रुचा॑ रो॒चेह॑
 स्व॒यम् । रु॒चा रुरु॑चे रोच॒मानः॑ । अ॒तीत्या॑दः स्व॒राभ॑-
 रेह । तस्मिन् यो॒नौ प्र॒जनौ॑ प्रजायेय । व॒यः स्याम॑
 पत॒यो रयी॑णाम् । भूर्भुवः॑ स्वः स्वाहा ॥ २ ॥

वरु॑ण ध॒र्मणां॑ पते स्वः स्वाहा ॥ अनु० ४ ॥